

妙法蓮華經。方便品。第二

爾時世尊。『從三昧安詳而起。告舍利弗。諸仏智慧。甚深無量。其智慧門。難解難入。一切声聞。辟支仏。所不能知。所以者何。仏會親近。百千萬億。無数諸仏。尽行諸仏。無量道法。勇猛精進。名称普聞。成就甚深。未曾有法。随宜所説。意趣難解。舍利弗。吾從成仏已來。種種因縁。種種譬諭。広演言教。無数方便。引導衆生。令離諸著。所以者何。如来方便。知見波羅蜜。皆已具足。舍利弗。如来知見。広大深遠。無量無礙。力。無所畏。禪定。解脱。三昧。深入無際。成就一切。未曾有法。舍利弗。如来能種種分別。巧説諸法。言辞柔軟。悦可衆心。舍利弗。取要言之。無量無辺。未曾有法。仏悉成就。止。舍利弗。不須復説。所以者何。仏所成就。第一希有。難解之法。唯仏与仏。乃能究尽。諸法実相。』

(以降赤字は三回繰り返して唱えること)

所謂諸法。如是相。如是性。如是体。如是力。如是作。如是因。如是縁。如是果。如是報。如是本末究竟等。